


TAEKWONDO



Taekwondo saioa.

Sei euskaldun
Espainiako Tae Kwon
Do-ko selekzioan

A.B. / IRUNEA

Espainiako Tae Kwon Do-ko selekzioa Nafarroako Gobernuak Larrabiden duen Teknikazio Zentruan dago bilduta, 92ko Joku Olimpikoak prestaketa planaren barruan. Selekzioa hamasei kirolarik osatzen dute, horietariko sei euskalduna, nahiz eta hamar baino ez izan Larrabiden daudenak. Euskaldunak Enrique Mendaza, Edurne Berrio, Sonia Alvarez, Idoia eta Maria Angeles Jimenez eta Juan Solis dira, Euskal Herriak, eta bereziki Nafarroak, bost ordezkarietako, kirol honetan duten garrantzia garbi erakutsiz.

Lau egunen zehar, aukeraturako kirolarietako plan fisiko eta psikologiko zehatz eta trinko bat burutu beharko dute, Nafarroako Gobernuaren Kirol Medikuntzaren Zentruaren zuzendaritzapean. Honako hau Nafarroan egiten den lehendabiziko konzentrazio nazionala da, eta joan den urtean Madrilen egin zen Batzar Nazionalen erabakiaren ondoren, selekzioari nolabaiteko jarraipena emateko Joku Olimpikoei begira, beti ere. Horretarako entrenatzaile talde bat osatu zuten Espainiako Federazioak, Ireno Fargas katalanak zuzendutakoa, eta Fermin Gomara nafar selekzionatzailearekin bere baitan.

LARRABIDEKO ZENTRU BERRIA Larrabideko zentru honetan bi hilabeteko egingo dira azterketa tekniko nahiz medikuak, zentru hone dituen baliabide teknikoak nahiz fisiologikoak oso egokiak bait dira kirol honetarako.

ATLETISMOA

Thierry Pantel, Marti Ten Kate eta
Andre Wallace Donostiako krosean

Kenyarrak Osoro Ondororekin eta Addis Abebe marokiarra ere karreran

Addis Abebe etiopiarra eta Osoro Ondoro, Wilson Omwoyo, Julius Korir, William Mutwol eta Chelimo kenyarrei bi gizon garrantzitsu gehitu zaizkie Donostiako krosean: Thierry Pantel frantziarra eta Marti Ten Kate holandarra. Emakumezkoetan, Andre Wallace izan da azken fitxaketa, Italicako krosean Susan Sirmari irabazi zion inglesa.

X.M. / DONOSTIA


Thierry Pantel frantziarra here-negun L'Equipe egunkarian Donostiako krosean korritzeko asmoa zuela adierazten zuen, eta atzo antolatzaileek berria baieztatu zuten. Pantel, negualdian sasoiak onenean egoten den krosleria, etsai gogorra izango da afrikar andanarentzat.

Iaz munduko seigarren marka onena egin zuen Thierry Pantelek 10.000 metroan, eta iragan igandean Lilleko krosean, IAAF mailakoa, bigarren sartu zen Nutall ingelesaren ondoren, esprint gogorrean. Postu onak egin ditu aurtengo kros denboraldian frantziarra, eta igandeko probaren ondoren hiru asteko atsedendia hartzeko asmoa duenez, karrera ona egiten saiatuko da.

Gizonezkoetan Marti Ten Kate holandarra izan da antolatzaileek iragarri duten azken atleta, iaz Munduko Kros Txapelketan hamaseigarren postua lortu zuena.

ONDORO KENYARREN BURUAN Osoro Ondoro Kenyako talde indartsuaren buruan dator. Iaz ere faborito irten zen Donostiako krosean, eta bigarren sartu zen, Ezequiel Bitok herrikidearen atzetik, karrera bikaina egin ondoren. Sasoi ikaragarri iritsi da Ondoro, eta iragan irandean Skah marokiarra, munduko txapelduna atzean utzi bazuen, negualdian bost garaipen lortu ditu dagoeneko: Bolbec, Limerick, San Silvestre, San Anton de Jaen eta Itallia.

Igandeko karreran lokatzak kez-



Osoro Ondoro Italicako krosa irabaztetik dator Donostiara.

EFE

✓ Osoro Ondorok zirkuito lehorra nahiago duela adierazi du, lokatz gainean ere karrera ona egiteko moduan dela gaineratzeko; sasoi ikaragarri dator.

katzen du batez ere Osoro Ondoro. «Zirkuito lehorra nahiago dut», adierazten du, «baina ez du axola, lokatzuta egonda ere asko korrituko dut», gaineratzeko. Munduko Kros Txapelketa du buruan Osoro Ondorok, baina umil mintzo da. «Kenyan korrikalari asko gara, eta lehenik bertako txapelketan sailkatu behar dut, Munduko Txapelketarako txartela lortzeko».

Umiltasuna alde batera utzita, Osoro Ondoro faboritoen artean sartzen da martxoaren 24ean korrituko den Munduko Kros Txapelketa irabazteko.

ANDRE WALLACE INGLESA EMAKUMEZKOETAN Andre Wallace inglesa ere etorriko da Donostiako krosera, atzo jakine-

razi zenez. Wallaceek irabazi zuen Sevillan Italicako krosa, Susan Sirmaren aurretik. Kenyar honexek irabazi zuen Elgoibarko krosa, duela aste pare bat. Krosleria handia da beraz Andre Wallace, eta faborito agertzen da Anke Schaning alemaniarra eta Sally Ellis eta Alison Wyethen aurretik. Susan Sirmarekin batera lehia polita eskintzeko moduan izan daiteke Donostian. Anke Schaningek 32.39.78 marka ona du 10.000 metroan. Sally Ellisek aldiz ez du marka nabarmenik, baina kros denboraldi bikaina ari da egiten, eta bostgarren postuan dago munduko kros 'challengean'. Malluskeko krosean bostgarren sartu zen; Susan Sirma kenyarrak irabazi zuen proba hau, eta igandean elkarren ondoan izango dira biak Donostian.



Maila ona emakumezkoetan.

LABURREAN

URBAN Barcelonaren
ikusmiran dago
jadanik

Osasuna taldean diharduen Jan Urban poloniarra Barcelona taldearen ikusmiran dago jadanik. El Mundo Deportivo egunkariak atzoko edizioan adierazten zuenez, Barcelonako gida batzordea datorren denboraldiko egitasmoa prestatzen ari da, eta bertan poloniarren fitxaketa kontutan hartzen da. Mementu honetan Cruyffek hiru atzeritar ditu taldean, Koeman, Laudrup eta Stoichkov. Poloniarra Barcelonako laugarren atzeritarra litzateke ●

ESTATU BATUETAKO
tenis taldeak
atzerapena eskatu du

Estatu Batuetako Tenis Elkarteak (USTA) Estatu Batuetako Copa Davis selekzioak Mexikoren aurka jokatu behar zuten kanporaketa atzeratzea eskatu du. Otsailaren batetik hirua bitartean jokatu behar zen kanporaketa, Golkoko arazoak direla eta atzeratu nahi dute amerikarrek. Estatu Batuetako Federazioko lehendakariak adierazi duenez, jokalaria, senitarteko eta antolatzaileei galde egin ondoren hartu du erabaki hau ●

PETROVICEK Netsen
jokatuko duela
ziurtatu du

Drazen Petrovic jugoslaviarrek Portland Trail Blazers taldetik Nets taldera pasatuko dutela adierazi du. Petrovicek esandakoaren arabera, operazio berdinean Denver Nuggets taldeko Walter Davis eta Netsko Greg Anderson sartuko lirateke. Drazen Petrovicek hiruko saskiratzaileen zerrendan bigarren postuan bukatu zuen aurreko denboraldia, baina aurtengo denboraldian Danny Ainge hartu du bere postua, eta Petrovicek 18 partidua besterik ez ditu jokatu ●

DOPING azterketa
ekiditzeko
sistema berria

Danny de Bie txirrindulari belgiarra Munduko Txapelketara joango den taldetik kanpo geratu da. Lehengo igandean Zillebeken jokatutako probaren ostean eginiko antidoping azterketan, Danny de Bie preserbagailu bat erabili zuen txisa «garbi» egiteko. 1978ko Tourrean Pollentierrek ere sistima hau erabili zuen. ●

Lurzoruaren Kudeaketa eta Desjabetzapen Zerbitzua

1991ko Urtarrilaren 10eko Gipuzkoako Aldizkari Ofizialean, 7 zk.an, "Elduaen IV Potzua" Proiektua (4-RH-OH-15/90 Gakoa) behin betiko onartzea eman da argitara.

Iragarkian Proiektu honek erasandako ondasun eta eskubideen zerrenda zehatz eta banakatua ere ageri da.

Donostia, 1991ko Urtarrilak 14.



Gipuzkoako Foru Aldundia

Herriaren eta Garraio Departamentua